

11 Volunteers ng DSWD Kalahi-CIDSS Region 3 dadalo sa 3rd National Community Volunteers' & 5th National Bayani Ka! Awards

11 na community volunteers (CVs) ng DSWD Kalahi-CIDSS Region 3 ang dadalo sa 5th National Bayani Ka! Awards and 3rd Community Volunteers' Congress sa Butuan sa August 13-16, 2019.

Ang mga kalahok ay ang mga kinatawan ng anim (6) na Regional awardees ng Bayani Ka! noong October 30, 2018.

Kinikilala ang: KABABAIHAN ng Barangay Balangkare Sur, General Mamerto Natividad, Nueva Ecija at PARENT-TEACHERS ASSOCIATION ng Barangay Villa Rosenda, Talugtug, Nueva Ecija, bilang kabahagi sa pagsasakatuparan ng Gender and Development, sa pamamagitan ng pagsusulong ng pantay na partisipasyon, na walang tinitignang kasarian; BARANGAY TANOD

ng San Andres II, Quezon, Nueva Ecija, bilang kabahagi sa pagsusulong mga hakbanging may

kinalaman sa Environment Protection; KAPATIRAN SA KAUNLARAN ng Barangay Doña Lucia, Quezon, Nueva Ecija, bilang kabahagi ng pagsusulong ng Improved Local Governance; FEDERATION OF SENIOR CITIZEN ng Barangay Piñahan, General Mamerto Natividad, Nueva Ecija, bilang tagapagpatibay na malaki ang kontribusyon ng mga nakatatanda sa pagpapaunlad ng lipunan; at, MISEREOR YOUTH MINISTRY ng Barangay Balaring General Mamerto Natividad, Nueva Ecija, bilang tagapagsulong ng mga adbokasiya ng sektor ng mga kabataan.

Ang mga CVs ng programang Kalahi-CIDSS (Kapit-bisig Laban sa

Kahirapan Comprehensive and Integrated Delivery of Social Services) ay s'yang nagsisilbing buhay at dugo ng programa sapagkat sa Community-Driven Development (CDD) approach ng programa ay mismong ang taumbayan ang gumagalaw para sa pagsasakatuparan ng mga proyekto sa kani-kanilang barangay.

Ang National Bayani Ka! Awards ay ang taunang aktibidad ng programa kung saan binibigyang parangal at kinikilala ang malaking ambag ng mga volunteers sa kanilang mga komunidad. Samantala ang Community Volunteers' Congress ay ang lugar kung saan naibabahagi ng mga volunteers sa kanilang mga kapwa volunteers ang kanilang mga naging karanasan sa programa. Dahil ito ay dinadaluhan ng 14 regions na mayroong Kalahi-CIDSS sa Pilipinas.